

LA USC DI LADINS – GIOVEDÌ 26 GIUGNO 2014

Palê danter mendranzes

En sabeda dan otedé à la seleziun ladina dl palê sóghé cuntra la seleziun dla mendranza slovena tl'Austria. I ladins va por pröms en vantaje, mo ala fin à i slovenns impò ciamò la miù

Palê - La sabeda passada el gnü a s'l dè a Klagenfurt na partida d'amizizia danter döes scuadres de mendranza. La seleziun di ladins cuntra la seleziun dla mendranza slovena tl'Austria. Chèsta ultima squadra è rovada quarta pro

l'Europeada 2012 a Bauzen, y è porchèl inçe favorita te ciamp.

I dui responsabli dles döes seleziuns - por chëra ladina el Giorgio Costabiei da San Martin - à bele de merz metü man da organisé ia sciöche al alda chësta

partida amicala, che è inçe na incuntada danter les döes mendranzes.

La squadra ladina, alenada da Patrick Dapunt, à atira metü man la partida cun gran determinaziun. Intrames les scuadres pità n jüch asvelt y porchèl àn tosc bele podü

odèi tröpes ocapiuns da gol. La squadra ladina va por pröma en vantaje, cun n gol de Mirko Kerschbaumer al 25[^] menüt. Bel avisa tēgn le resultat por döt le pröm tēp. Tla secunda pert dla partida el i slovenns che fej gran druch, y arjunj al 75[^] menüt le pēr. I ladins desmaza spo na gran ocapiun da jì en vantaje, y sōn cuntrapé el i slovenns che é bugn da segnè so secundo gol. Ala fin dla partida é i sōgadus ladins dēr stanć, y se ciafa al 92[^] ciamò le terzo gol. Le resultat final é insciö de 3 a 1.

La squadra ladina s'ha comportè dēr bun, y à dè döt por tignì alalt i corusc ladins. Do la partida el stè l'ocapiun da passè n valgōnes ores adōm ai slovenns, olache an à imparè da se conēsce dami y an à inçe podü se la cuntè sōn informaziuns y tradiziuns dles döes cultures. "An po odèi, inçe te chësta situaziun, che le sport po dè n gran contribut ala cultura ladina, inçe sce al nē de chi che ne la vëiga nia

insciö", dij Giorgio Costabiei.

Te chësta ocapiun n'ha nia tut pert sōgadus de dötes les scuadres ladines, deache valch é impegnà te d'atres manifestaziuns. L'ater ann vëgn la squadra slovena dla Čiarenčia (Kärnten) tles Dolomites por sóghé indò cuntra i ladins. Döt chësc por arjignè la squadra ladina ala proscima Europeada, che sarà dl 2016. Ilò gnaràl cernü i mius sōgadus di ladins dles Dolomites.

Sōgadus dla seleziun ladina:

1. Renè Ferdigg, 2. Paolo Adami, 3. Samuel Vittur, 4. Peter Mittermair, 5. Gabriel Frenner, 6. Armin Erlacher, 7. Mirko Kerschbaumer, 8. Daniel Tamers, 9. Robert Mutschlechner, 10. Marco Mutschlechner, 11. Aron Kostner, 12. Oskar Clara, 13. Peter Rabanser

Alenadü: Patrick Dapunt

Acompagnadus: Marino Verginer, Helmut Gasser

Relaziuns publiches: Marco Moling

Responsabl de squadra: Giorgio Costabiei



Les döes scuadres de mendranza che s'ha mosoré a Klagenfurt. I ladins é cun malieta bōrna.